

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولتور

نسخه سی ۴۰ پاره در

فکرانیک محاکمات

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه متعلقدر

تقیحات

سوریه ولایتی مرکز بدایت محکمه سی مدعی
عمومی معاونلکی اطنه ولایتی مرکز بدایت محکمه سی
مدعی عمومی معاون سابق قوتلو ابراهیم فوزی
افندی به تفویض بیورلمش ومومی الیه ذاتاً مخلف
بولمشدر.

تکوش قضاسی بدایت محکمه سی جزا دائره سی
رئیس رفعتلو علی غالب افندی به رتبه نائیه توجیه
بیورلمشدر.

تبلیغات

عدلیه نظامت هیلده سنه بالعموم عدلیه مفتشدر
حاکم استینافیه مدعی عمومیلرینه نظیر قلمانه نمبررات
عمومیه صوریدر:

رسم تمغا قانون جدیدینک طقوزنجی ماده سنک
اون دردنجی نومروسنده املاک تقدیر وتعدیل
قیمتی ایچون علاقه دارلر طرفندن وقوعبولان مراجعت
اوزرینه مخنلر جانبدن اعطا اولنان راپورلره بش
غروشلق پول الصاقی لزومی محرر اولمقدن ناشی
تمغات ویرکوسنک تعدیل وتسجیلی حقنده کی مخن
راپورلرینه ده پول الصاقی ایجاب ایدوب اتمیه جکی
خزینه جه استیدان اولنسی اوزرینه وارد اولان ۲۶
مارت سنه ۳۲۱ تاریخلی و اوچوز الی سکر نومرولی
تذکره سامیه ده مذکور اون دردنجی نومروده قیم
املاکی و بدل ایجاری متضمن مخن راپورلری ذکر
وبیان اولنهرق تمغات ویرکوسنه متعلق راپورلردن
بحث ایدلامش ایسه ده کرک املاک و کرک تمغات
ویرکولری تکالیف دولسدن اولوب هر ایکسینک
تعدیل حقنده علاقه دارلر طرفندن وقوعبولان مراجعت
اوزرینه تنظیم اولنهرق مخن راپورلرینه پول الصاقی
لازمه دن کورینه رک مذکور طقوزنجی ماده نک اون

محاکمات مقدمات

قورشونجی حاجی حسین افندیکن مغازه سی
قبوسنی آلت مخصوصه ایله آچهرق قورشونلری
سرقت ایلدیکی ادعا اولنسدن دولایی جنایتله اتهام
اولنان اون قبانده ساکن رنجیر احمد بن اسماعیلک
اوج سنه مدته کورکه قونلشنه دائر در سعادت جنایت
محکمه سندن ویریلان ۱۶۰ نومرولی اعلام

لایسکی قضاسی اهالیسندن خلیل عادل افندی بی
قتل ایلدیکی ادعا اولنسدن دولایی جنایتله اتهام
اولنان حسنی بن یوسفک اون بش سنه مدته کورکه
قونلشنه دائر قلعه سلطانیه سنجاغی بدایت محکمه سی
جزا دائره سندن اعطا قلنان ۳۵۴ نومرولی اعلام
اولونیه لی ظیمه ولد یناکی قتل ایلدیکی ادعا
اولنسدن دولایی جنایتله اتهام اولنان محرم بن
صادقک اون بش سنه مدته کورکه قونلشنه دائر
برات سنجاغی بدایت محکمه سی جزا دائره سندن
ویریلان ۲۰۲ نومرولی اعلام

ردوسک کشکنوز قریه سی اهالیسندن استرقو ولد
قسطنطینی قتل ایلدیکی ادعا اولنسدن دولایی جنایتله
اتهام اولنان قریه مذکورده لی دیمتری ولد لفرک اون

بش سنه مدته کورکه قونلشنه دائر جزایر بحر سفید
ولایتی استیناف محکمه سی جزا دائره سندن ویریلان
۱۴۵ نومرولی اعلام

زوجه سی زوری قادی قتل ایلدیکی ادعا اولنسدن
دولایی جنایتله اتهام اولنان اوجی بن محموندک اون
بش سنه مدته کورکه قونلشنه دائر سمرقند سنجاغی
بدایت محکمه سی جزا دائره سندن ویریلان ۴۶
نومرولی اعلام

جمعه قضاسنک بلاج قریه سندن قلاچی یورکی
مترونگ انانی راهده اوکنه چقه رق بارکیری اخذ
وغصب ایلدیکی ادعا اولنسدن دولایی جنایتله اتهام
اولنان مصطفی بن محمد علی نک اوج سنه مدته
کورکه قونلشنه دائر سرفیچه سنجاغی بدایت محکمه سی
جزا دائره سندن ویریلان ۱۸۳ نومرولی اعلام

اشقیایه یتاقلق و قلاغوزلق ایلدکلی ادعا
اولنسدن دولایی جنایتله اتهام اولنان دورین و پتره
ورستو و مختار بوشه نک بشر سنه مدته کورکه
قونلرینه دائر سالانیک ولایتی استیناف محکمه سی
جزا دائره سندن ویریلان ۲۴۸ نومرولی اعلام

قرنداشی توفیلی قتل ایلدیکی ادعا اولنسدن
دولایی جنایتله اتهام اولنان قالموز جزیره سی
اهالیسندن یانی ولد دیمترینک اون بش سنه مدته
کورکه قونلشنه دائر ساقر سنجاغی بدایت محکمه سی
جزا دائره سندن ویریلان ۳۵۱ نومرولی اعلام

زاغور ناحیه لی ارستیدی خرستو دولونک
دیواری آشهرق لیلّا خانه سنه بالدخول اشیاسنی
سرقت ایلدکلی ادعا اولنسدن دولایی جنایتله اتهام
اولنان یانی ولد دیمتری ورفینی دیگر یانی ولد
اناستاشینک دردر سنه مدته کورکه قونلرینه دائر
یانیه ولایتی استیناف محکمه سی جزا دائره سندن
ویریلان ۷۵ نومرولی اعلام

ارتین افندی ایله قاسمک انانی راهده اوکلرینه
چقه رق تقود و اشیاسنی اخذ وغصب ایلدیکی ادعا
اولنسدن دولایی جنایتله اتهام اولنان باله اوغلی
حیدرک بش سنه مدته کورکه قونلشنه دائر توقاد

سنجانی بدایت محکمه سی جزا دائره سندن و یریلان
۱۲۱ نومروی اعلام
اسکجهلی پیراقدار حسن قتل ایلدیکی ادا
اولنسندن دولای جنبته اتهام اولنان مؤمن بن
حسنک اون بش سنه مدته کورکه قولنسنه دائر
کوملجنه سنجانی بدایت محکمه سی جزا دائره سندن
و یریلان ۵۸۰ نومروی اعلام
نوره قوبلی شریف بن مصطفای قتل ایلدیکی
ادا اولنسندن دولای جنبته اتهام اولنان مصطفای
بن احمدک اون بش سنه مدته کورکه قولنسنه دائر
سیروز سنجانی بدایت محکمه سی جزا دائره سندن
و یریلان ۶ نومروی اعلام
خانه سنده باروت واسلحه مجموعه بولندیردینی
ادا اولنسندن دولای جنبته اتهام اولنان پتره
واسیلک اوج سنه مدته کورکه قولنسنه دائر کوریمجه
سنجانی بدایت محکمه سی جزا دائره سندن و یریلان
۲۴ نومروی اعلام
کسندیره قضاسنک سوفیلر چفتلکنده جوابلق
ایدن علی بن فرهادی قتل ایلدیکی ادا اولنسندن
دولای جنبته اتهام اولنان مذکور چفتلک سکیانلردن
تیور بن اسماعیلک اون بش سنه مدته کورکه
قولنسنه دائر سلاطینک ولایتی استیناف محکمه سی جزا
دائره سندن و یریلان ۲۵۵ نومروی اعلام
فرق کلیسانک پولوس قره سی اهالیسندن بیرام
یوان اوغلی نیقولنک آغلی باصرق چوبان استراطی بی
ضرب و حیواناتی اخذ ایلدیکری ادا اولنسندن
دولای جنبته اتهام اولنان قره مد کورده لی خرسو
دوله و آنستی و طارینک اوجر سنه مدتلره کورکه
قولنسنه دائر فرق کلیسا سنجانی بدایت محکمه سی
جزا دائره سندن و یریلان ۲۴۸ نومروی اعلام
طرنولی نیقولنک دیمتری بلالینک اغنام سورینی
باصرق اوج رأس بارکیرینی اخذ و سرقت ایلدیکی
ادا اولنسندن دولای جنبته اتهام اولنان الاصونیه نک
دوخولسنه قره سندن بکچی نیقولنک ولد متره
پیاقره بورلیک اوج سنه مدته کورکه قولنسنه دائر
سرفیجه سنجانی بدایت محکمه سی جزا دائره سندن
و یریلان ۱۰۴ نومروی اعلام محکمه تمیز جزا
دائره سنجانه تصدیق اولنشدیر .

جاریده متهملردن ایکی احمدک قولنقجی محمدی
قتل ایتدیکری والی دخی وقعه کجه سی مقتول
مرقومی کورمیدیکری یاد وکیل مدافع طغرسیمون
افندی وحشی بکده برطاق مدافعات سردیه
موکلرینک براتلرینه قرار اعطاسی ایراد ایلانندن
ناشی فصل مسئله کیریشلده کده ایلا ساعت الی
راده لرنده متهملردن الی وایکی احمد حولیده
اوطوروب قولنقدقری صروده مقتول محمد بالورود
قبوی آجدریمق خصومنده اصرار ایتدیکندن الی
قبوی آجدرق باستون ایه محمد اوردینی و مرقومده
کیرویه دونوب کیدرایکن امدان مرقومانک بدلرنده
بیحا اولدینی حالد جیقوب قادیلر حامنک قبوی
اوکنده محمد بشتدکری اناده مرقوم اه اولدم
دیه رک بر قاج خطوه ایلویه کیدوب دوشدیکری
و مرقوماندن هانکینک اوردینی فرق ایدمیدیکری
حقوق عمومیه شاهدلردن انقه وکذک وقت
من بورد الی قبوی آجدریمق ایچون اصرار ایدن
محمدی انقه نک افاده سی وجهله ضرب ایتدیکی محمد
دونوب کیدر ایکن امدلرده بالتعقیب بولنلردن
یوزنده چیچک بوزوغی اولان که امدن شا کردر
بیحا ایه محمدی جرح ایتکه مرقومک بر قاج خطوه
ایلروده بره دوشدیکری قوطنی و مذکور کجه محمد
الی نک قبوسی چالیدینی وقت حادث اولان کورلینک
اوکنی الم ایچون زقاغه جیقوب مرقومی کندی
خانه سنه دعوت ایش ایه سنه اجابت ایتدیکی
و کندوسی خانه سنه عودت ایتدکن براز صکره
زقاده بولنلرک قاجشدقری و اخبر و رود ایدن
بولیس افندیلر ایه کیدوب فرونک اوکنده محمدی
بی روح اوله رق برده بولندینی کوردیکی و بعد
الی نک خانه سنه کیدرک مقتول محمدی ایلرویه المک
دیمکه من بوردنک اختیار سکوت ایلدیکی طوطی
مریم ووقعه کجه سی وقوعولان اخبار اوزرینه
کیدوب محمدک عومخانه لک بولندینی حمام زقاغه
یکری خطوه مسافده کوشده مقتول برده بولندینی
کوردیکی و اجرا ایتدیکی تحقیقات نتیجه سنده
فعلک قبان دقیده بارکیز سوریمچی جفته امدلر
اولدینی اکلایه رق مرقومان دردت اولندقری
والی دخی مرقومانک مذکور کجه خانه سنده
اولوب محمدک ارقه سندن چیقهرق کیتدکری
سویلدیکی ضیا افندی طرفلردن حضور محکمه
مع القسم وعلی الدرجات اخبار ایدلسنه ووقعه نک
فرداسی کجه امدان مرقومانک قبان دقیده کائن
احمدچاوشک قهوه خانه سی ارقه سندن قراکلی زقاقن
اشای مرورلرنده دردت اولوب کندولرنده اثار
تلاش کورلیدیکری دخی اظهارحق ایچون استماع اولنان

بولیس قومیسری محمود وولیس چاوشی محمد افندیلرک
بلاحلف بیان ایلرینه و مرقوم محمدک صاغ جهت
ناحیه کتیه سنک زروسی خذاسنده بر طرفی کسکین
الت قاطمه ایه حاصل بر عدد جرحه کوریلوب
اندن متأثراً وفات ایتدیکی طیب راپورنده محرر
ومدافعات نقل کلام ایدلکده امدان مرقومانک
البسه لرنده دم وچامور اولماسی ادره بر کون
مرورنده اخذ وکرفت اولنیش اولدقارندن اول وقت
قدر تطهیر ایش اوله جققری و عومخانه ده بولنان
نسوانک قانوناً شهادتینک رد ایدله میه جکی
واخبارلرینک بکدیکریه مابن اولیوب علی الدرجات
وقوعولدینی امر اظهار اولسنه ومدافعه شاهده
اولق اوزره اظهار حق ایچون جلب اولنان کمالک
بعضیلری مرقومان امدلرک وقت کجه سی قهوه خانه یه
ایکی بولکده اولدینی و بعضیلری بالرنده دیکرلری ده
بولندینی حالد کدکری بولنده ووضعیلری واقعاتلری
حقنده بکدیکریه مابن افادته بولندقارندن بولنلرک
اخبارلری حقوق عمومیه شاهدلرینک شهادتی قرن
بطلان و تأمین وجدان ایدم ماسنه والحاصل امدان
مرقومانک مذکور کجه التینک خانه سنده بولندقاری
و محمدک التینک خانه سی نجره سندن مشاهده اوله جق
مجلده جرح اولندقدن صکره ایلویه کیدوب دوشد
یکری جمله شهادت مؤید کورنسنه بناء احمد بن
شا کرک محمدی قتل والتینک دخی ضرب ایتدیکری
حقنده کی افادتی و وکللرینک اسباب مسروده یه قارشو
واقع اولان مدافعاتی غیر مقبول اولوب متهملردن
احمد بن شا کرک اوچوز یکریمی سنه سی اغتوسنک
یکرمی جمعه کجه سی ساعت الی راده لرنده قولنقجی
محمدی بالهور جرح و قتل ایلدیکی و منته الی دخی
مقتول محمدی قبل الوقات خانه نک قبوسی آجدریمق
خصومنده اصرار ایتدیکی اناده باستون ایه عادی
ضرب ایتدیکی ثابت اولدقارندن احمد بن شا کرک
قاتل متهور اولق اوزره مجرمیتنه والتینک دخی عادی
ضرب فعلک فاعله سی اولدقارنه و دیکر متهم احمد بن
احمدک مذکور قتل فعلنده امده مشارک اولدینی
و من بورد التینک ایقاع جرمه تحریک و فاعلک قرارینی
تسهیل ایه کتم شهادت ایچون کل لیزه یه باره وردیکی
و من بورد لیزه نک دخی باره مقابله کتم شهادت
ایلدیکی خصوصاته عائد اخبارات حکم ایچون تأمین
وجدان ایدمیدیکندن بوجهاندن طولای احمد بن
ادهم ایه الی و لیزه نک براتلرینه وجاهاً و متفقاً
قرار و یرلرک محاکمه اوطه سنه عودته اشو قرار
علناً قرائت و تفهیم اولندقدن و احمد بن ادهم ایه
کل لیزه متهم موقدن جیقاقلردن صکره معاون
مومی الیه مجرم احمدک قانون جزاک بوز یتش دردنجی

ماده سنک فقره اولاسنه والتینک دخی قانون من بوردک
بوز یتش طغوزنجی ماده سنه توفیقاً تحدید جزالری
طاب وادعا ومدعیه شخصیه عایشه بر طلی اولدینی
و وکیللر دخی موکلرینک تخفیف جزالری استعفا
درقوم احمد ایه الی بشقه دیه جکری بولندینی
انبیا ایلرله بو جهت حقنده کی محاکمه نک اختتامی
دخی بالانها م تکرار مذاکره اوطه سنه کیدلری
جهت جزایه حقننده دخی مذاکره کیفیت
ایدلکده مجرم احمدک مرتکب اولدینی فعل جزا
قانوننامه هایونک بوز یتش دردنجی ماده سنک فقره
اولاسنه والتینک فعلنده قانون من بوردک بوز یتش
طغوزنجی ماده سنه مطابق وفقره مذکوره و برکیمه
من غیرتمد بر شخصی اتلاف ایش ایه اون بش
سنه مدته کورکه وضع اولور ماده مذکوره دخی
جرح و ضرب اگر ماده سابقه مذکور اولان
درجه دن خفیف اولور ایه جرح و ضارب اولان
کیمه برهفتدن بر سنیه قدر حبس اولور یا خود
بوکا بدل برجمیدی التوندن بش مجیدیه التونه قدر
ایچه التوب مجروح و مضروب و یرلور و یا خود بو
صورتلرک ایکی بردن اجرا اولور و عیساری
ناطق اولدقارندن مجرم احمدک فقره مذکوره حکمه
توفیقاً وابتدای توقینی اولان اوچوز یکریمی ایکی
سنه سی جمادی الاخره سنک یکریمی ایکنی کوندن
اعتباراً اون بش سنه مدته کورکه قولنسنه والتینک
دخی ماده مذکوره تطبیقاً وابتدای توقینی اولان
سنه مذکوره شعبانک اون بدنجی کوندن اعتباراً
سکرمه مدته حبس ایدلسنه و مصارف محاکمه اولان
جمعا ایکی بوز غروشک دخی کندولردن بالتحصیل
عدلیه و زنه سنه تسام ایتدیلسنه اوچوز یکریمی ایکی
سنه سی ذی الحجه سنک اوتوزنجی و اوچوز یکریمی
سنه سی شباطک یکریمی ایکنی کونی کذک وجاهاً
و متفقاً قرار و یرلرک اصول تفهیمی ایفا قلندی

اصولاً ثابت اولدقارندن بر آلتون الترق مضروبیه
ورلسنه
احمدک سارمنی اطاله لسانه برابر ضرب ایتدیکی
اصولاً ثابت اولدقارندن برهفته حبسیه بر آلتون
الترق مضروبیه ورلسنه
احمدک باسقالک ایچهنی سرقت ایتدیکی اصولاً
ثابت اولدقارندن الی ماه حبسنه
باولینک قسطنی و سائرلرک ایچهنی سرقت
ایتدیکی اصولاً ثابت اولدقارندن الی ماه حبسنه
محمدک عبداللهی ضرب و جرح ایلدیکی اصولاً
ثابت اولدقارندن برهفته حبسنه
کاطمک نظرتک بیجاقلری و تئوبولنک اشیا سی
سرقت ایتدیکی اصولاً ثابت اولدقارندن الی ماه حبسنه
درسمادت ، یک اوغلی و اسکدار بدایت محکمه لری
جزا دائره لرجه قرار و یرلشدیر .

الاعانات

انجمن اداره عدلیه

عدلیه نظارت جلیله سی دواثریه محاکم مر بوطه سی
ایچون پوسنه مایه ایدله جک اولان بک ایکبوز
چکی اودون و اوتوز بیک قیه جدید استراجه کورینک
اشبو تموزک التنجی چهارشنبه کوندن اعتباراً
مناقصه سنه دوام اولوب اون اوچنجی چهارشنبه
کونی قرار موقی اعطا و بکرمی چهارشنبه کونی
دخی یوزده بش تزیلات قبولیه حاله قطعی سی اجرا
اولن جقندن مراد قائم سنده محرر شرائط دائره سنده
اعطایه طالب اولنلرک مدت مذکوره طرفنده ساعت
التین اونه قدر دیوزتو ایچلرله برابر محاسبه
وانجمن اداره عدلیه یه مراجعت ایللری اعلان
اولنور .

درسمادت بدایت محاکم مر بوطه سی دواثریه محاکم مر بوطه سی :
خاصکوده کرمه یتنجی احمدچای عله سنده ساکن
شالوم وصیف ایازار و باروج استرک باججت شرعی
وصیه سی بولنان نازی قادینک درسمادنه کوچک عبود
افندی خانی التده مقیم ایکن غیوبت ایدرک الیوم زده
بولندینی کلاشیله میان شمشیه یی بخور و لدمایرستانی
علینه درسمادت بدایت محکمه سی برنجی حقوق
دائره سنده اقامه ایلدیکری تخلیه و بدل ایجار دعوانسک
من بوردنک طلبه و اصول محاکمه حقوقیه قانوننک
یکری التنجی ماده سی حکمه توفیقاً دائره دیوانخانه سنه
تعلیق قلنمش اولان ورقه دعوتیه کوسترلیدی و جهله

اشبو اوچوز یکریمی برسنه سی اغتوسنک برنجی
بازار ایتسی کونی ساعت بشده رقی قراولشدیرلیدقارندن
یوم وقت مذکوره غائب مرقوم بخورک محکمه
مذکوره حاضر بولنسی لازم کلوب بولندینی و یا طرقدن
مصدق وکالتنامه ایه بروکل کوندردمیدکی حالد
دعوی من بوردنک غیاباً رؤیت اوله جنی اعلان
اولنور .

درسمادت ایکنی تجارت محکمه سنده :
درسمادنه مصر چارشوسی اتصالده مغازه ده
مقیم خردو انجی آبراهام دامادیانک ۲۸ حزران سنه
۳۲۱ تاریخندن اعتباراً افلاسنه و مصالح افلاسنه نک
رؤیت و تسویه سی ضمنتده اعضای محکمه دن سعادتلو
رضا بکک ژوز قومیسر و دعوی وکیللردن ماناس
و مارقو اروساش افندیلرک موقت سندیک تمینلرینه
و مغازه سیله اشیا زانده یتیلرینک تمهیرینه و اوراق
ودفاترینک جلبنه و کفالت مصدقه ارا نه ایدمیدکی
تقدیرده توقیفه و بوبادکی قرارک موقه اجراسنه
ایکنی تجارت محکمه سندن قرار و یرلش اولدقارندن
قانوننامه تجارتک ۱۷۰ نجی ماده سی موجبجه دائمی
سندیکلر انتخاب اولنق اوزره ۳۲۱ سنه سی تموزنک
۱۳ نجی چهارشنبه کونی ساعت سکر راده لرنده
اصحاب مطلوبک محکمه مذکوره نک مصالح افلاسنه
رؤیته مخصوص اوطه سنه کلری اعلان اولنور .

بک اوغلنده فری کوبنده نومروسز مغازه ده
مقیم بقال اصنافدن یورکی رلد فیکک ۳۰ حزران
سنه ۳۲۱ تاریخندن اعتباراً اعلان افلاسنه و مصالح
افلاسنه نک رؤیت و تسویه سی ضمنتده اعضای محکمه دن
سمادتلو علی رشدی افندیلرک ژوز قومیسر و دعوی
وکیللردن مقاریوس اوغلی خرمیلوس افندی ایه
بروقوب دابانک موقت سندیک تمینلرینه و مغازه سیله
اشیا زانده یتیلرینک تمهیرینه و اوراق و دفاترینک
جلبنه و کفالت متبره ارا نه ایدمیدکی تقدیرده
توقیفه و بوبادکی قرارک موقه اجراسنه ایکنی
تجارت محکمه سندن قرار و یرلش اولدقارندن
تجارتک ۱۷۰ نجی ماده سی موجبجه دائمی سندیکلر
انتخاب اولنق اوزره اشبو ۳۲۱ سنه سی تموزنک
۱۴ نجی نچشنبه کونی ساعت بش راده لرنده اصحاب
مطلوبک محکمه مذکوره نک مصالح افلاسنه رؤیته
خصوص اوطه سنه کلری اعلان اولنور .

اهومات شرعی اجرا و امره سنده :
متوفی مصطفی افندی ورنه سنک حطب تجارتدن

بهجت افا ذمتنه با اعلام شرعی آله جقلری اولان مبالغ معلومه نك تأمین استیفاسی ضمننده مدیون مومی الهك عهده سنده اولوب محجوز وبك اوغلی بدایت محكمه سی ایکنجه حقوق دائره سی اعلا میله فروختی محکوم بولنان طوطخانه ده قلنج علی پاشا محله سنده مسجد زقاغنده واقع یکریمی درت ویکرمی الی نومرولر ایله مرقم ایکی باب کیکچی وبقال دکانلریله مسجد ونام دیگر مدرسه زقاغنده کائن اوج نومرو ایله مرقم بیکار اوطلری لدی المزیاده لیرای عثمانی یوز غروشدن کیکچی دکانی سکزیبک بشیوز غروش وبقال دکانی اون بر بیک ایکی یوز غروش و بیکار اوطلری دخی سکزیبک غروش بدل ایله طالی اوزرنده تقرر ایتش اولدیغندن یوزده بش ضمیله بوندن دهها زیاده طالب اولانلرک ودهها زیاده معلومات آلق ایستیانلرک اشبو تاریخ اعلاندن اعتباراً اوتوز بر کون ظرفنده درسمادت اعلامات شرعیه اجرا دائره سینه مراجعت ایلمری صوك دفعه اوله رق اعلان اولنور .

محكمه تجارت اجرا دائره سنده :

پاولی قوروناکینک ایکنجه محكمه تجارت اعلامیله حاجی قره بت لوسینیان ذمتنه محکوم به الاجنی اولان اوچیوز الی لیرانك مع مصارف محاکمه تأمین استیفا سیچون مدیون مرقومك اسکدارده سلامی علی افندی محله وجاده سنده اوچیوز اون درت و اوچیوز اون الی و اوچیوز اون سکز نومرولرله مرقم تخمیناً الی یوز قرق ذراع مقداری عرصه ده مبنی و مجموعی شهری یدی یوز یکریمی غروش ایجار کتور مکده اولان واوزلرنده الی اوطله وایکی سالون و آرقه جهتنده باغچه سی و دروننده برده بو و صو قیوسی ومشمولات سائر بی حاوی بولنان کارگیر اوج باب توتونچی وبقال وقصاب دکانلرنده متصرف اولدینی نصف حصه محجوزه نك فروختی قرار التته النش اولقله بر موجب قرار املاك مذکوره حصه سی تاریخ اعلاندن اعتباراً اون بش کون صکره موقع مزایده یه وضع اولنه جفتدن اشترا سینه طالب اولانلرک ودهها زیاده معلومات المق استیانلرک محكمه تجارت اجرا دائره سینه مراجعت ایلمری اعلان اولنور .

طوغرامه جی سیمون ولد محاکم مقدم اسکدارده سلام سزده کلیسا زقاغنده کائن خانه سنده ساکن ایکن الیوم اقامتکاهی مجهول بولنان ایران دولتی تبعه سندن آتشی زاقار وارطانیان علیه نه اوله رق درسمادت بدایت محكمه سی ایکنجه حقوق دائره سندن استحصال

ایدوب صورتی ۴ مایس سنه ۳۲۱ تاریخده اعلاناً تبلیغ قلنان ۹ نیسان سنه ۳۲۱ تاریخی و قرق یدی نومرولی اعلام غیابی موجبجه مرقوم سیمونك اسکدارده یکی محله ده قبرستان زقاغنده یکریمی نومرو ایله مرقم خانه ده متصرف اولدینی نصف حصه شایعه سی اوزرینه ۱۰ جمادی الاولی سنه ۲۹۶ تاریخی قراره توفیقاً ایرانی مرقوم زاقارک وضع ایتدیر مش اولدینی حجز احتیاطی بی تاریخ اعلاندن اعتباراً طقسان بر کون ظرفنده دائره اجرایه مراجعتله فك ایلمی وایلمدیکی وقانوناً شایان قبول برشی بیان ایتدیکی تقدیرده بر موجب حکم اعلام حجز موضوع مذکورك فك ایدیه چکی معلوم اولق اوزره تنظیم اولنان اشبو اخبار نامه مرقوم زاقارک الآن محل اقامتی مجهول بولتی ملا سیه اصله محاکمات حقوقیه نك یکریمی التنجی و اجرا قانونك یکریمی طقوزنجی ماده لرینه توفیقاً مرقوم زاقاره تبلیغ ایدلمش عد اولتی اوزره محكمه تجارت اجرا دائره سی دیوانخانه سینه تعلیق اولدینی کی غزته لرله دخی اعلاننه مبادرت قلندی .

اعلامات نظامی اجرا دائره سنده :

امینه صابره خانمك ثانیه خانم ذمتنه با اعلام نظامی الهجنی اولان مبالغدن طولانی حجز التته الیریلان صالمه طمر قده کفوی محله سنده خان زقاغنده تخمیناً یتش بش آرشون عرصه اوزرینه مبنی ایکی قادن عبارت اوج اوطله و برصوفه و بر مطبخ و بر قیوی حاوی شهری درت مجیدیه ایجار کتور درت نومرولو بر باب اخشاب خانه تمامك تاریخ اعلاندن اعتباراً اون بش کون صکره بالمزایده فروخته تشبث اولنه جنی درسمادت اعلامات نظامیه اجرا دائره سندن اعلان اولنور .

اذمید سنجانی بدایت محكمه سی اجرا دائره سنده :

اذمیدده ساکن حاجی صوفیانوس اوغلی انانوسی وخرستونك ایتم صندیغندن استدانه ایلدکلی مبالغ معلومه نك تأمین استیفاسیچون مدیون مرقومانك مرهون اولوب فروختی بالمزایده قرارلشدیریلان اذمیدده جاملی اسکله ده کائن بر باب نصف دکانك الی حصه ده ایکی حصه سی ایکی یوز و بر باب فرونك ایکی سدس حصه سی ایکی بیک بشیوز غروشده طالی عهده سنده تقرر ایتش اولدیغندن بوندن زیاده یعنی یوزده بش ضمیله طالب اولانلرک اوتوز بر کون ظرفنده دائره اجرایه مراجعتله پی سورملری لازم کله چکی ومدت مذکوره نك انقضاسی متعاقب قرار قطعیسی کشیده قلنه جفتدن اندن صکره ضم قبول

اولنیه جنی اذمید سنجانی بدایت محكمه سی اجرا دائره سندن اعلان اولنور .

اذمید قضاسی بدایت محكمه سی اجرا دائره سنده :

پیرامیچك چاوشلی قریه سندن سیاهی اوغلی حاجی اسماعیلک جهت التزامه ماند کفالتدن خزینه جلیله یه دینی اولان مبالغ معلومه نك تأمین استیفاسی ضمننده قریه مذکوره حدودی داخلنده معلوم الحدود اون قطعه ده یوز اوتوز الی دونم اراضیسی حجز التته النش اولدیغندن تاریخ اعلان اعتباراً اون بش کون صکره بالمزایده فروخته تشبث اولنه جنی اعلان اولنور .

سلوری قضاسی بدایت محكمه سی اجرا دائره سنده :

سلوری قصبه سندن اجزاجی استاورینك قصبه مذکورلی اوطون ورنه سندن کریمه سی قایتنه ذمتنه محکوم به معلوم المقدار الهجنك تأمین استیفاسی ضمننده محجوز اولوب مزایده علیه لری اجرا قلنان سلوریده پیر محمد پاشا محله سنده اسکله جاده سنده واقع طرفلری ایساقوهن انباری و قلفانچی موسی ورنه سی مغازه سی وایکی طرفی طریق عام ایله محدود صرف ملک بیک الی الی سهم مقدما کارگیر انبار الیوم بر باب قهوه خانه طقوزیوز غروش و علی بك محله سنده طرفلری الیاس و آرسلان افا خانه لری و بعضاً اسماعیل افا ورنه سی عرصه سی ومهاجرین کلبه لری و طرفینی طریق عام ایله بیک الی الی سهم مع باغچه بر باب عرصه بشیوز غروش وینه قصبه نك روم محله سنده قلعه دروننده طرفلری مقدم قالفه اوغلی طوفلو الیوم ساعتی لیفونیدی خانه سی و خیار سوم خانه سی و طرفینی طریق ایله محدود بیک الی الی سهم بر باب عرصه اوچیوز غروش وینه سلوری مرعاسنده کل تپه موقعنده شرقاً کرقور و غرباً حاجی وانکل باغی شمالاً طریق و جنوباً کرقور ترلا سیله محدود تخمیناً قرق دونم برقطعه ترلانك ربع حصه سی اوچیوز غروشده طالی عهده سنده اولوب موقت قراردادده سی چکلمش اولدیغندن تاریخ اعلاندن اعتباراً اوتوز بر کون ختامنده احاله قطعه سی اجرا قلنق اوزره یوزده بش ضمیله زیاده طالب اولانلرک سلوری قضاسی بدایت محكمه سی اجرا دائره سینه مراجعت ایلمری اعلان اولنور .